



DEO OPTIMO MAX.

UNI ET TRINO,

VIRGINI DEIPARÆ, ET S. LUCEÆ,
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS;
*mandè discutienda, in Scholis Medicorum, die Jovis, secundâ
mensis Maii, Anno Domini M. DCC. XLIII.*

M. GUILLELMO-JOSEPHO DE L'EPINE,
Doctore Medico, Præsîde.

An ad cœdè miserè vivit, qui Medicè vivit?

I.



ALETE, Artes Apollinæ, si malum malo additis, Nisi pervos
vigeat in corpore sano mens sana, iterum, Artes Apollinæ, va-
lete. Edicto irrevocabili natus inter dolores homo, brevi vivens
tempore, quàm multis opprimitur miseriis: felicissimus ille est qui
minimis urgetur. Vetat Sapiens ne quemquam viventem dix-
eris beatum. Quid sit felicitas, meritò ambigunt Philosophi; hanc
quærunť omnes, assequuntur nulli. Quid sit miseria, si nesciunt, sentiunt omnes;

hanc arcere nocte dieque Reges Caloneſque ſatagunt æqualiter : Philoſophi contemnere ſimulant, at mendaci eorum faſtui ne credas. Beator ille qui tempore cereus obſecundat. At hoc opus hic labor eſt. Corpus indefinenter fatigat dolor, hoſtis indefeſſus, acerrimus. Mentem curæ premunt & ærumnæ, ſollicitudineſque atque anxietates. Quis Deus nobis inter tot bella, tot hoſtes faciet otia ? Verè erit ille nobis ſemper Deus, qui artem tot mala averruncandi commonſtrabit. Deſcende de cœlo, Ars benefica, quâ diſcent miſeri mortales æquum animum & tranquillum ſibi parare, corpus ſanum facere, & cum ſanitate longævam ætatem adipiſci, mentem ſanam in corpore ſano ſervare, frui vitâ, ſi lædatur, tutè & citò revaleſcere, mala imminetia præcavere, futura proſpicere, avertere, præſentia citò citiùs fugare. Ecquis tunc erit miſer ? Tam malè cum hominibus non erit actum : nec erunt adeò miſeri.

I I.

DIC ageſodes ! Nôſtin aliam in terris felicitatem ? mecum ſunto ſemper pax animi, corpus ſanum. Dic, amabo, quæ faciant vitam beatiorem ? Num quem cruciat intùs veſicæ, dirus hoſpes, calcalus, felicem faciunt principis favor aut Arabum divites Gazæ ? Num beatus ille qui ſanus corpore medias inter opes inops laborat turpis avaritiæ vitio, torquetur ambitione miſer, iracundus perenni furore tanquam furis exagitatur, veſano amore ebrius æſtuat ? Næ ! Quis non talem ſibi deprecetur beatitatem ? At quis poteſt juſtam hanc corpus & animum inter ſperare concordiam ? Bene habet unum, alter læditur : interdum vexant ſe mutuò : miſer ſic homo inter utrumque citò & harmoniam reducere ſatagat, ſic erit beatus. Verùm quis tantæ pacis ſequeſter ? quis arbiter ?

I I I.

EN præſto Medicina ; non Deus è machinâ, ſed re verâ cæleſte donum. Quàm malè eſt extra illius legem viventibus ! Quàm benè iis qui ipſi morem gerunt ! Vis exemplum ! Attende ad homines omnium, ſi qui ſint, miſerrimos, ſcilicet qui graviter & periculoſo morbo laborant. Si delirant aut phreneſi corripiuntur, beneficentiſſimam inſcii experiuntur : ſi ſani mente, ſperant ſemper reviviſcere : ſi morti certæ deſtinatis neceſſariò ſit pereundum, fati feſtinantis duram neceſſitatem Medicinæ adjutricis ope retardare confidunt : dolores mitigari gaudent : dulciùs tandem moriuntur. Cave, credas, (ut multi) tot malorum cauſam eſſe Medicinam : ante Medicinam malorum Ilias incubuerat terris, ſola ſpes, ſola nempe Medicina remanſit in fundo pixidis Pandoræ : non eſt ergo malorum cauſa dolorumque Medicina : malis jam factis, doloribuſque (ſæpe ſæpiùs ob ſui neglectum natis) lenimentum, ſolamen aſſert ſine fine benefica : leviter laboranti gravius imminens prævertit malum, præſens breve facit. Paulò graviùs afficitur æger ? Quò magis in ſervandis Medicinæ eſſatis ſedulus, eò periculi ſecurior & ſalutis ſuæ certior. Jamne périclitatur & de eo ſerè conclamatum eſt ? Una ſalus nullam niſi à Medicinâ & religioſâ illius obſervantiâ ſalutem ſperare : certò moriturus necdum inutilem experitur in ultimo agone Medicinam. Tormenta, cruciatuſque pereuntis ſopiendo, fatalem horam protelare eſt efficax. Sic imminenti tardat lethi gradum medicè vivens, ſic juventutem vegetiorem reddit, ſenectutem tacito pede properantem moratur, ex morbo ſanabili tutiùs evadit, ſecuriùs convaleſcit ; inſanabilem faciliùs tolerat, vix perſentiſcit : imò ſanus factus, aut natus, felicior vivit, & fruïtur omnibus cœli, aquarum & terræ muneribus.

ERGONE ad esuriem nasceretur homo, abstinentiâ macerandus, fame enecandus? Bona verba, quæso, absit ut tam injuriosè de optimo nostrum omnium Parente Deo M. sentiamus. Imò soli sano Medicè viventi tot bonis per universum orbem regali munificentia effusus frui datur: ipsi uni promittitur longæva ætas super terram. Solus Medicè vivens salubrem aspectum solis, salutiferamque ventorum perflationem in habitationem sibi eligit catus hospes: solus maleolentem, putidum, crassum, mucidum, ficiorem, urentem aerem, aut vitabit aut corrigit, facietque propitium. Cibum exquisitiorem, (si adsit) & palato gratiorem non aspernabitur. Deerit? Deteriorem sobrietate beneficium reddet. Gnarus Deum Omnipotentem ideò saporem indidisse edulibus ut salivam moverent, quæcumque ad palatum non facient, respuet illicò, & meliora gustabit, (nec saginans stomachum) nondum cessante edendi voluptate (iterum rediturâ) cessabit opportunè sapiens. Tantamne à temperantiâ voluptatem sperares? Hæc vera est & sola voluptatum magistra: has sine illâ brevè amittas. Est & in ipsis fruendis ars soli medicè viventi cognita; illi soli cibum quemcumque condiet fames nunquam defectura, si expectata: sobrio illius & abstemio palato, nec fiderato fluent quacumque nectaris aut nativi aut arte factitii, & ambrosiæ rivi ex quocumque solo, ex quâcumque tellure, qui jucundè sitim non proritatam compefcent: lassitudinem supervacaneam fugiens non reformidabit necessariam, & sic exercitio moderato voluptatem novam sibi parabit, vividiorumque ad repetendos cibos lucrificiet appetitum: sic digestionem utilem operam dabit, providebit nutritioni opportuna, favebit egestionem legitime tantum excernenda è corpore doctè eliminabit, retinenda doctior servabit: nec gracilis errore vitæ, nec nimis obesus, animi perturbationes suæ quieti & tranquillitati (necessaria ad beatè beatèque vivendum) insensas à se exulare jubens sibi ita imperabit ut rationi ex æquo, ut par est, serviant. O felices nimium, suam si rationem norint homines, si ipsi auscultare & obtemperare velint! sola dat vera gaudia, nullâ unquam penitentiâ corruptenda: doctrinam voluptatum ipsa proficitur genuinam,

V.

DICET forsan morosus aliquis: quid mihi cum Medicinâ? Bene valeo: bibo, cum sitio; epulor, ubi esurio; ambulo, cæno, semper præsto fames: mecum lecto componitur, mecum manè evigilat: interdum ludo, interdum laboro: dum lubet vigilo, dormio quandoque, nec idcirco res mihi cum Medicis ulla. Cum Medicis? Esto: at cum Medicinâ plurimum: ecquid gloriaris? Hæc ipsa est & vera & genuina Medicina: Naturam sequeris ducem: Medicè vivis & nesciebas! Putabas igitur Medicinam astringere indiscriminatim iisdem legibus sanos ac ægrotantes? Ne te decipiat tam ridiculus error. Omnia sana sanis: at est sanis diæta, altera causariis, malefanis altera. Medicina omnibus ad beatè beatèque vivendum dux utilissima, nec sapiens aspernabitur eam. Docet bonis uti opportunè: bona usu meliora reddere, mala præcavere aut corrigere, pati quidquid corrigere est nefas. Sic hominem beat Medicina. Audias Hippocratem Romanum: " Qui sanus est & suæ spontis nullis obligare se legibus debet.... hunc oportet varium habere vitæ genus, modò ruri esse, modò in urbe, sæpiusque " in agro, navigare, venari, quiescere interdum, sed frequentius se exercere: " siquidem ignavia corpus hebetat: labor firmat; illa maturam senectutem, hic

» longam adolescentiam reddit. Prodest etiam interdum.... nullum cibi genus
 » fugere quo populus utatur, interdum in convivio esse, interdum ab eo se re-
 » trahere: modò plus iusto, modò non ampliùs assùmere: bis die potiùs quàm
 » semel cibum capere & semper quàm plurimùm, dummodo hunc concoquat... con-
 » cubitus verò (*legitimus*) neque nimis concupiscendus, neque nimis pertimescendus
 » est: rarus corpus excitat, frequens solvit: cùm autem frequens non numero sit, sed
 » naturà, ratione ætatis & corporis scire licet eum non inutilem esse quem cor-
 » poris neque languor neque dolor sequitur; idem interdiù pejor est, noctu tu-
 » tior.... Hæc firmis servanda sunt, cavendumque ne in secundâ valetudine ad-
 » versæ præsidia consumantur. « Hisne præceptis homines fieri miseros autumas?
 Si loquerentur adhuc Delphi, pronuntiarent ergo:

Non adèò miserè vivit, qui Medicè vivit,

Proponēbat Parisiis, GUILLELMUS RUELLAN, Dinannæus;
 Doctor Medicus Monspeliensis, Saluberrimæ Facultatis in Universitate
 Parisiensi Baccalaureus, A. R. S. H. 1743, à sextâ ad meridiem.